

鳴鶴餘音卷之六

隨六

仙遊山道士彭致中集
八聲甘州 何仙姑

千門萬戶盡七傾八倒掘地尋天真箇玄妙
返作笑胡言無為大道人行少向捏怪途中
有萬千傷感蟻迷却做靈丹無奈傷嗟最苦
又不知端的枉棄了家緣 時間清淨豈解
永收鉛心思意想何曾遣暫合眼陰魔作睡
纏展轉越思深返作饒冤誰信無中生有有
中生無萬派歸源

其二

一團春雪拋在玉爐中煎炎炎進火不住添
要燒得通紅無烟煙須管莫虧折斤兩依然
如此三千煨煉待不搖不動方可為禪 全
真養命只在恁麼之間家園自有甘露泉要
澆灌黃芽長瑞蓮幽遠待得來與仙聖齊肩

踏雪行

曉古通今明經解義紛紛說得天花墜逐朝
看畫餅怎充飢竹影難掃堂前地 寡慾少
思忘言得意諸家放下難為貴若離方寸這

些兒踏破鐵鞋無覓處

柳梢青

依稀曉星明滅白露點蒼苔敗葉故址頽垣
淡煙衰草漢家宮闕 咸陽陌上行人依舊
名親利切改換朱顏消磨今古隴頭殘月

其二

悟箇不生不滅更不許拈花摘葉與則高歌
醉眠芳草夢遊仙闕 有時苦勸人人莫呀
我叮嚀切切走骨行尸貪財戀色枉消年月

梅花引

唱山老頭白早人間善惡都曾造也曾窮也
曾通窮通得失渾如一夢中因窮落得身無
辱因閑落得心無事莫才高莫名高才名高
顯於身展轉勞 知事少煩惱少心忘腹熱
何時了眼休擡口休開紛紛是非如何得到
來獨來獨往無伴侶自斟自酌無榮辱任人
非任人疑心閑自有清風皓月知

望梅花

死生於身最大從來與我為害飢則求食渴
而索飲寒來又尋衣蓋好難睡晝夜相隨殃

得我來忒殺 捨了娘生皮袋分付了兩家
自在行則穿雲倦則卧月遊戲太虛無礙甚
輕快捉住風輪跨神鰲徧超法界

其二

是非非林辯好弱到頭自見莫說他人休
昧自己暗裏聖賢自見聽我勸自古今何曾
放過一件 好把塵緣拂散清淨淨始終
莫變固帶際根長生久視難免韶華易換氣
神鍊過箇知音希夷理說與一偏

其三

密密彤雲覆地蓬蓬然朔風又起大塊呼吸
陽凝陰結徧四野玉花呈瑞這些意聖感豐
年顯唐虞再來治世 敬道尊儒修義崇三
教共同一體子孝孫賢臣忠朝正上下盡成
和氣寶鼎內熟炷名香祝皇王壽延萬歲

其四

日向南窓猶睡睡簾外紫門從閉焉有人來
輕輕敲戶纔是轉身慵起正濃美一味黑甜
問人間甚物堪比 除是沈沈爛醉忘驚悸
又忘乘墜乘也不知墜也不知齊生死一同

天地這些意味悟難知如同啞子做謎

其五

莫見他人長短搜已過不教自亂舊日心猿
元來意馬却喚醒漸馴羈絆澄心內觀鍊就
冲和把凡胎抽換 事到眼前決斷殺神仙
別無手段地久天长虛心實腹善計者不須
籌算行功滿跨朵祥雲去朝元得居仙館

其六

百歲韶華如電空迴首又來一遍販骨輪迴
千生萬死只管改頭換面要得免捉住清風
把虛空打做一片 不誦南華經卷也不要
葛藤相伴截斷中流別開心眼射透玉樓金
殿莫迴轉一志無移看山頭明月出現

綉停針

三千真人

道難說要 悟般般盡皆明徹剔透玲瓏迴
光返照不在拈花摘葉動生差别休舉念強
生枝節本來模樣清淨淨有何言說 須
憑志猛烈仗慧劍落處斬釘截鐵擊碎忌山
跳出愛海打破虛空休歇氣神歡悅運九陽
鍊成紅雪綠霞影裏捧出一輪皓月

賀聖朝

夕陽沈後隴收殘照栢鎖寒烟向南溪獨坐
順風眠聽一派流泉 迢迢永夜事忘閑性
琴弄無絃待雲中青鳥降祥時證陸地神仙

其二

野僧歸後漁舟繞纜綠槍生烟對寒燈瀟瀟洒
枕書眠聽石漱流泉 丹爐火滅琴房人靜
風自調絃待孤峯頂上月明時正一夢遊仙

行香子

寥寥寂寂洒洒瀟瀟淡生涯一味逍遙傍臨
谷口斜梳山腰有竹籬門荆掃帚草團標
寬布麻袍大緒長條挂一條曲律藤梢黃精
自煮蒼木親熬有瓦湯瓶砂釜電葫蘆熟

其二

閨苑瀛洲金谷重樓算不如茅舍清幽野花
踏地莫也風流却也宜春也宜夏也宜秋
酒熟堪窮客至須留更無榮辱無憂退關
一步著甚來由但倦時眠渴時飲醉時語

其三

短短橫牆矮矮疎窓忙惜兒小小池塘高低

疊障綠水邊傍却有些風有些月有些涼
日用家常木几藤床據眼前水光山光客來
無酒清話何妨但細烹茶熱烘盞淺澆湯

其四

淨掃塵埃惜取蒼苔任門前紅葉鋪階也堪
圍畫還也奇哉有數株松數竿竹數枝梅
花木栽培取次教開明朝事天自安排知他
富貴幾時來我且優游且隨分過且寬懷

輟金丸

楊真人

一更裏擒意馬猿猴兒莫顛要大悟來心地
覺清涼管自然都放下 本來面目常瀟洒
眞清淨更幽雅更減口願養氣神全按四時
分造化

其二

二更裏夫婦會和嬰兒姪女交泰復宇宙顛
倒任循環把坎離相匹配 土牛木馬撼山
海隨羊運搬載潑焰都輟入泥丸教鬼神須
驚駭

其三

三更裏根蒂固玲瓏現日端午要返覆泥裏

倒推車便即時揚勃土 木金間隔騰烏兔
刀圭至汞鉛聚降滿地白雪注黃芽看玉華
金蓮朵朵

其四

四更裏法鼓響金雞兒木頭唱便轉旋昇降
透雙闌早起隨明堂過 虎龍自在通來往
能抽添運水火鍊黑赤爐內報金丸迸雪白
硃砂顆

其五

五更裏天欲曉功圓滿行都了便脫殼來往
有無間顯出真容貌 古今快樂仙家延長
生永無老降紫詔傳報玉皇宣駕祥雲歸蓬
島

兩隻馬兒

馬丹陽

一更裏要精專安閑靜坐眼看猿猴耍莫放
頭先須減睡眠 眠心散露青天恒沙功滿
大千工夫要行功圓非干是自然

其二

二更裏二氣運鉛消汞焰煎鉛是汞汞成鉛
冲和滿洞天 冲和氣任虛源九曲明珠串

雙闌透射碧天元來是自然

其三

三更裏月正圓笙歌消夜天金童喜玉女歡
凡間不一般 長生酒醉不願飲了還少年
曲江上望懸懸酷買不用錢

其四

四更裏徹玲瓏玲瓏徹碧天登彼岸跨鳳鸞
辛苦三二年 言非大莫虛傳傳了無一言
猿是馬馬是猿休教付兩邊

其五

五更裏畫角喧驚回清夢遊仙眠是夢夢是
眠方知心是天 天生地地生天一炁合混
元漆一歲減一年真空不動然

步步嬌

范真人

住在古壑墓行坐立歌舞捉住這真空猛悟
自古及今說龍虎無一無一箇人悟

其二

傳得一口訣教我丟我接自從我接後全別
玉藥金花果結子啞子吃鴿蜜難說

其三

柔弱好家風大道不脫空真箇真箇有鉛汞
水火既濟上下冲文武兩交戰齊功

其四

真行與真功刀圭快如風不過真師正難明
你若做時第一功渾身百關節齊通

其五

俺在炕上坐唱箇囉哩囉因來睡一覺如何
俺把陰陽顛倒過俺笑俺笑你空坐

其六

貧子吃好酒吃得醅酏休萬事都不掛心頭
任毀任謗落一籌癡聾啞漢真修

其七

無為自然道清淨長芝草默默相知了使好
杳杳冥冥開了竈工夫片時間成了

其八

休執性為真如何出陽神十箇九箇守頑空
若得命基帶了性白麵做燒餅有準

其九

遍地有靈芝人人都不識作得業又大難敵
我今欲待說與你只恐你不信談非

其十
信則你自信不信你休行莫待臨渴時掘井
每日見爾費辛苦不濟不濟事休論

掛金索

我愛閑居心鏡常皎潔境滅情忘自然無分
別雲散長空露出清霄月此箇家風有口難
分說

其二

一更裏燈心下手端然坐趕退群魔隊隊白
羊過剔起心燈照見元初我方寸玲瓏寶珠
懸一顆

其三

二更裏人靜萬事都無染一對金塔上下來
盤旋嚇退三尸奔走如雷電白雪漫漫降下
瑤花片

其四

三更裏陽生子母朝金闕海底靈龜吸盡金
烏血一炁綿綿三關都透徹萬道霞光捧出
西江月

其五

四更裏無事四邊都寧靜內放心花賞玩長
春景戊巳門開有箇真人進一粒金丹運上
崑崙頂

其六

五更裏天明還了修行願龍虎相交倒把黃
河捲半空裏雷聲鬼神難測辯認得元初本
來真頭面

其七

齊罷閑行獨唱無人和山裏樵夫也唱哩論
囉上了一箇坡下了一箇坡便做高官也只
不如我

其八

過了一年又是添一歲每日隨緣爭甚閑和
氣可憐韶華奔走如樵指真待臨頭臘月三
十日

其九

奉勸人人一一聽分許不曉陰陽怎知修行
路始初下手鍊就鉛汞體自有龜蛇引入曹
溪路

其十

聰明君子一一聽分許甲子天年看看降真
數跳出凡籠一箇長生路免教閻王鬼使來
勾取

掛金索

馬丹陽

一更裏端坐慢慢調龍虎運轉三關透入泥
丸去龍蟠金鼎虎遠黃庭戶這些兒工夫等
閑休分付

其二

二更裏二點陰陽真炁妙上下三關休教差
錯了蛇女嬰兒兩箇都放嬌金公黃婆自然
匹配了

其三

三更裏明月正把乾坤照嚇得邪魔千里不
見了退盡陰兵不用刀圭妙海底龜蛇自然
相盤繞

其四

四更裏無事好把真經看句句幽玄說道教
修鍊不用水火不用柴和炭鍊就靈丹萬兩
金不換

其五

五更裏天曉架上金雞叫有箇忙兒拍手呵
可笑放飽牛兒快活睡一覺行滿功成自有
丹書詔

綉薄眉

孫仙姑

勸人悟修行脫免三塗苦明放着跳出門戶
譚馬丘劉孫王郝太古法海慈航窠中音度

其二

化愚營拋離火院夫兒女憑慧劍斬斷三塗
人我山崩是非海已枯舊業消除新殃不做

其三

應仙舉汞鉛黑白希夷路端的下苦志工夫
晝夜無眠羅衣淡飯足乞化街頭十方父母

其四

無憂慮孤雲野鶴無拘束草庵內閑看金書
窓外林泉隈山傍水竹明月清風堪為伴侶

其五

養元初心揀意馬牢拴住六賊盡不曾貪圖
杳杳冥冥昏昏默默處湛湛澄澄澄性停命住

其六

認真趣木金間隔通玄路驅四象五行圓聚

悉結神凝陰陽自返復過體薰蒸周天火足

其七

破昏衢地雷震動山頭雨黃芽長白雪飛舞
露洒瑤漿瑞草滿園圃玉黍紛紛金花綻吐

其八

境堪圖翔翔雲水縱橫步曲江上飛鳥走兔
虎繞龍蟠坎离相會聚輪轉天關運動地軸

其九

法輪鼓河車穩穩三十輪搬日月輕入金爐
玉鼎烹煎九陽真火煮萬道霞光千重翠霧

其十

單明珠化生養就胎仙弄真慶會姮女圓聚
渴飲琉璃漿玉琴自然撫韻定仙音敲金擊玉

其十一

有中無無中更有些兒做有無中裏面搜取
無內藏真有內却如無有無雙忘還同太虛

其十二

行功足蓬萊三島群仙聚瑤池會聖賢無數
盡是修真學道列仙侶侍奉高真西王聖母

其十三

享天廚仙衣掛體身輕舉乘鸞鳳翫賞清都
寶殿瑤樓金釘滿朱戶不夜長春無來無去

梧葉兒詞

觀白鷺看烏鴉水底摸魚蝦鷺穿柳蝶戀花
景幽雅若非雲門莫誇

其二

想林濟大慈悲究竟作根基打一棒去片皮
好呆癡痛痒猶然不知

其三

龜毛拂兔角錐蝦蟆撲天飛泥牛吼木馬嘶
少人知俯仰泄漏天機

其四

麥有短粟有米布袴裏更有腿山有石海有
水語真實洞霞無極立基

其五

擒意馬鎖心猿神氣養交全非扭捏合自然
體幽玄法眼超過大千

其六

玄妙塞化城關一脚蹬翻花紅處柳綠間沒
遮欄處處仙佛面顏

其七

天邊月月正圓極地去尋天有無有顛倒顛
妙玄玄正道須當要口傳

其八

天邊月月正圓極地去尋天有無有顛倒顛
一劬全照破了三千及大千

其九

天邊月月應弓真道妙無窮龍擒虎虎擒龍
兩相違結一朵金花弄風

其十

天邊月月正南前後各三三商是女坎是男
妙玄談不說破教人家怎參

十一

天邊月月應爐鉛汞鼎中居金憑火鍊就珠
一葫蘆三百八十四銖

滿庭芳

石火光陰人身不久算來生死難防忽生或
滅恰似電爭光識破形骸假合尋得箇出世
仙方思量後回心向道要認箇法中王時
時常見面同行同坐同飲霞漿同伴清風明

月同一志同見天光同相會同師訪道同唱
滿庭芳

鳴鶴餘音卷之六



鳴鶴餘音卷之七

隨七

仙遊山道士彭致中集
披雲真人
風入松

消磨不盡愛山心夢繞寒林幾時端的歸巖
穴結蒲團滿地松陰野鶴共人作伴山猿與
我知音

其二

一丸妙藥一張琴萬慮沉回頭冷笑紅塵
客共誰爭買世黃金不念朱顏暗謝那知白
髮來侵

其三

北邙山下草萋萋朽骨縱橫斷碑顛倒無人
識任黃牛白犢來耕管甚春朝將相那知漢
代公卿

其四

爭如歸去伴雲行學取長生清溪道士真吾
友採松花相配芝英但得堂中日月不求紙
上功名

其五

征南都護馬如龍臂托雕弓金章紫綬歸來